

Oahpaheaddjeprofešuvnna ehtalaš vuoddu

Mii leat oktasaš profešuvdna mas leat ovdaskuvlaoahpaheaddjit, oahpaheaddjit ja mánáidgárde- ja skuvlajođiheaddjit. Min servodatváldi lea ovddidit mánáidgárdemánáid ja ohppiid oahppama, ovdáneami ja bajášhuksema. Min árvvut, guottut ja dagut váikkuhit sidjiide geaid ovddas ja geaiguin mii bargat. Dat vuoddu lea oktasaš oassin viidáset ovddideamis oahpaheaddjeprofešuvnna ehtalaš dihtomielalášvuoda. Buot ovdaskuvlaoahpaheddjiin, oahpaheddjiin ja jođiheddjiin lea ovddasvástádus bargat dán vuodu árvvuid ja vuoddojurdagiid mielde.

Oahpaheaddjeprofešuvnna vuoddoárvvut

Olmmošárvu ja olmmošvuoigatvuodat

Min bargu lea huksejuvnon universála olmmošvuoigatvuodaid árvvuid ja vuoddojurdagiid ala, earenoamážit ON`a mánáidvuoigatvuodaid konvenšuvnna ala. Dat vuoigatvuodát galget ovddiduvvot ja bealuštuvvot mánáidgárddis ja skuvllas. Olmmošárvu eahperihkusvuohta, ovttaskas olbmo friddjavuohta, ja oadjebasvuođa ja beroštumi dárbbut leat vuodduin.

Profešunealla integritehta

Ehtalaš dihtomielalášvuohta ja alla fágalašvuohta lea oahpaheaddjeprofešuvnna guovddážin, ja mearrideaddjin go ásahtit buriid stoahkan-, oahppan- ja bajášhukseneavttuid. Min metodafriddjavuohta ja profešunealla árvvoštallanfriddjavuohta addá midjiide earenoamáš ovddasvástádusa rahpasit mitalit min fágalaš ja pedagogalaš välljejuumiid birra. Servodat galgá sáhttit luohttit ahte mii atnit iežamet iešstivrejumi rievttis ehtalaš vugiin.

Árvvus atnin ja ovttaárvosašvuohta

Ovttaskas olbmo mihtilmasvuohta ja persovnnalaš integritehta gáibida árvvus atnima. Ii galgga makkárga badjelgeahččan, indoktrineren dahje dubmejeaddji árvvoštallan dáhpáhuvvat. Buot mánáidgárdemánáid ja ohppiin lea vuoigatvuohta mieldeváikkuheapmái. Sis galgá leat friddjavuohta dahkat iežaset välljejuumiid oktasaš rámmaid siskkobealde.

Olmmošsuodjalaš

Jávohisvuodageatnegasvuođa ja dieđihangeatnegasvuođa doallan lea mearrideaddjin min barggus. Buohkain lea riekti olmmošsuodjalussii. Persovdnadieđut galget hálddašuvvot dakkár vugiin mii suodjala mánáidgárdemánáid, ohppiid, ovddasteddjiid ja bargoustibiid integritehta ja gutni. Elektrovnnalaš diehtujuohkima vejolašvuohta gáibida earenoamáš kritihkalaš goziheami.

Oahpaheaddjeprofešuvnna ehtalaš ovddasvástádus

Mánáidgárdemánáid, ohppiid ja ovddasteddjiid deaivvadeapmi

Mis lea ovddasvástádus luohitevaččat ovttasdoaimmat singuin gean ovddas mii bargat ja geaiguin mii bargat. Min lojalitehta gullá mánáidgárdemánáide ja ohppiide, ovddidan dihte dan mii sidjiide lea buoremus. Duohta oahpahusgaskkusteapmi ja buorre fágalaš heiveheapmi lea mearrideaddjin.

Ovdaskuvlaoahpaheaddjit, oahpaheaddjit ja jodiheaddjit:

- ovddidit buot mánáidgárdemánáid ja ohppiid stoahkan-, oahppan ja bajáshuksenvejolašvuođaid.
- barget dan badjelii ahte leat fágalaččat ja pedagogalaččat ođastuvvon áigges áigái
- beroštit, ja dihtomielalaččat hálddašit fámu mii sin ámmahis ja rollas lea
- fágalaččat vuođustit ja ehtalaččat guorahallet go barget árvvoštallamiiguin
- ovddidit ovttaárvosašvuođa ja ovttaárvosašvuođa.
- árvvusatnimiin deaividit mánáidgárdemánáid, ohppiid ja ovddasteddjiid
- bissehít ja suodjalit mánáidgárdemánáid ja ohppiid jus badjelgehččojuvvojit, sorjjakeahtta das gii dat badjelgeahčči lea
- vuostáiváldá kritihka rabasvuođain ja fágalaš ákkastallamiin

Bargosaji ovddas

Mii leat diehtogáldun ja ovddasvástideaddjin, ja mii leat rávisolbmot geat čađat leat das mánáidgárdemánáid ja ohppiid eallimis. Ovttaráđalaš bargoguimmešvuođas lea mis oktasaš ovddasvástádus ovddidit buori oahpahusfálaldaga, ja buoridit ja ovddidit min profešunalitehta.

Buot bargit:

- álggahit ehtalaš guorahallama ja ságastallama buot bargiiguin bargosajs
- ovttasbarget ovddidit máhtolašvuođa, gelbbolašvuođa ja ehtalaš árvvoštallanmáhtu, sihke siskkaldasat ja ovttaráđiid oahpahus-ja dutkanbirrasiguin

- ásahtit ja oassálastet posiitivvaš ovttasbargokultuvrii, gos buohkaid oaiviliid guldalit ja duođalaččat váldet
- leat lojalat iežas ásahtusa ulbmiliidda ja njuolggadusaide nu guhkás go dat sohpet min servodatváldái ja profešunehtalaš vuđđui
- barget rabasvuođain ja heivehit nu ahte gullevaš bealálaččat ožžot buot dieđuid oaidnit ja gullat
- árvvus atnet earáid gelbbolašvuođa ja dohkkehit iežamet fágalaš rájiid
- dorjot ja váldet mielovddasvástádus go bargoustibat deaividit earenoamáš hástalusaid barggus
- váldet ovddasvástádusa gávdnat buriid čovdosiid, ja dieđihit jus dan ge ferte, go fuomášit kritihka veara áššiid bargosajis

Mánáidgárdái ja skuvlii servodatásahussan

Mii leat geatnegahtton čuovvut daid árvvuid mat mánáidgárddis ja skuvllas leat servodatváldin, nu go demokrátalaš mearrádusat leat mearriduvvon lágain ja oahppoplánain. Juohke ovttaskas ovdaskuvlaoahpaheaddji, oahpaheaddji ja jodiheaddji lea mielde profešuvnna ovddasvástádusas ovddidit mánáidgárddi ja skuvlla ulbmila.

Profešuvdna:

- duostilvuođain ja ulbmillaččat čájehit servodatválddiset
- atnet sátnefridjavuođa ja oassálastet aktiivvalaččat fágalaš ja oahpahuspolitihkalaš arenain
- eai mieđit jus aktørat vigget mánáidgárdemánáid ja ohppiid geavahit iežaset ulbmiliidda
- váldet ovddasvástádusa dieđihit jus rámmaeavttut dagahit fágalaš ja ehtalaš eahpebealuštahtti dilálašvuođa
- geahččalit olahit buori ovttasbarggu, almmá badjelasamet váldit eará profešuvnnaid fága- ja gelbbolašvuođa ásahtusa bargguid
- eat mana badjel daid árvvuid mat leat min servodatválddis, min máhtolašvuođas dahje oahpaheaddjeprofešuvnna ehtalaš vuođus

Ovdaskuvlaoahpaheaddjit, oahpaheaddjit ja jodiheaddjit leat geatnegahtton dán vuodu čuovvut, eai ge sáhte beassadallat iežaset profešunealla ovddasvástádusas.